

Siunnersuut uunga: Inatsisartut inatsisaat nr. xx ulloq xx xxxx Aatsitassat pillugit ingerlatallu tamatumunnga pingaarutillit pillugit inatsisartut inatsisaannut nr. 7 7 december 2009-immersoq allannguutissamut tunngasoq
(Inuussutissarsiornermut Aatsitassanullu Naalakkersuisoq)

Akissuteqaat

(Inuussutissarsiornermut Aatsitassanullu Naalakkersuisoq)

Aappassaanneerinninneq

Aatsitassanut Ataatsimiititaliamut siunnersuummik peqqissaartumik suliarinninnerannut qujanaq.

Aatsitassanut Ataatsimiititaliaq isumaliutissiissummini Naalakkersuisut siunnersuutip aappassaanneerpeqarnissaanut allannguutissatut siunnersuummik saqqummiussinissaannik kissaateqarluni saqqummiivoq.

Taamaattumik Naalakkersuisut sinnerlugit, ataatsimiititaliap isumaqatigiittup kissaataannut naapertuuttumik aappassaanneerinninnissamut allannguutissatut siunnersuut saqqummiuppara.

Aammattaq ataatsimiititaliami ikinnerussuteqartut tusarniaanermut piffissaliussap sapaatit akunnerinit 8-init sapaatit akunnerinut 10-inut sivitsorneqarnissaa kissaatigisimavaat. Tusarniaanermut piffissaliussa, tusarniaanermut najoqqutassat tamarmik tamanut ammasumik pissarsiarineqarsinnaatinneqalernerannit, sapaatit akunnerinik 8-inik sivilissuseqartoq, tusarniaanermut akissuteqaateqarnissamut naammattoq naliliisoqarpoq, aammalu Inatsisartut inatsisissaannut siunnersuutitut pisariusunulluunniit tusarniaanermut piffissaliisarnermit nalinginnaasumit sivilisunerungaatsiarluni.

Tusarniaanermut siunertaasoq tassaavoq oqaaseqaateqarnissaq, ilanngullugu pissutsinut tusarniaanermut najoqqutassani naammattumik paasinarsisinneqarsimangitsutut imaluunniit tusarniaaffigineqartup naliliinera malillugu kukkusutut isigineqartunut Naalakkersuisunut oqaatiginninnissaq, taamaalillutik Naalakkersuisut VSB imaluunniit AAN akuerineqarsinnaanersut imaluunniit misissuinerit annertunerusut pisariaqarnerisut naliliinissamut periarfissaqassallutik.

Tamatuma saniatigut siunnersuummi § 95 a-imi aningaasaateqarfimmut tunngasumi, tusarniaaffigineqartut suliaasamik naliliinissamut teknikkikkut ikiorneqarnissamik pisariaqartitsisimagunik, suliaasaq piareersaataasumik tusarniaassutigineqarneranili immikkut

ilisimasalinnik ikiortissarsiornissamut atugassanik aningaasanik qinnuteqarnissamut periarfissinneqarput.

Tamanna tunngavigalugu tusarniaanermut piffissaliussa q sapaatit akunnerinik 8-inik sivilissuseqartoq naammassorineqarpoq.

Taamatut oqaaseqarlutik Naalakkersuisut allannguutissatut siunnersuutip akuerineqarnissaa inassutigaa.